



UNIVERSITÄTS-
BIBLIOTHEK
PADERBORN

Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

XXVIII. Hydrops, aut pravus membrorum tumor, curatus.

urn:nbn:de:hbz:466:1-11544

V.

Puer ab Hernia liberatus.

Anno MDCLIII ad xv. Calend. Julias, annuam, pro more peregrinationem Martinus Kraus expedivit. Pro more, inquam, ſuo; quia inde jam à puero, quorannis eam proſequitur, tum voto matris ſuæ, tum Deiparæ Virginis beneficio æternum obſtitit. Biſteini is natus, & paulò poſt diuæ Lindenſis à matre devotus erat. Devovendi cauſam matri, hernia parvuli filii dedit: niſi enim malo filii, initio ſtatim occuſſet, actum de filii valetudine in omnem vitam erat. Quì autem, malo remedia humana omnia ſuperante occurreret? Ad eam ſibi ſcilicet recurrendum cenſuit, quæ ſupplicibus neque ſolet, neque fere poteſt quidquam negare. Divæ quapropter Lindenſi filium offert, & quoad vixerit, Lindenſe quorannis lactarium ſpondet piè aditurum. Maternæ deprecationis finis, initium partæ filio ſalutis fuit. Ab eo tempore, Martinus nunquam eo morbo tentatus; nunquam ſervatrici ſuæ gratias agere, & Lindenſem peregrinationem frequentare deſtitit.

CAPUT XXVIII.

Hydrops, aut pravus membrorum tumor per Deiparam Lindenſem curatus.

Vulneribus ulceribusque tumorem ſubnectimus, & tumori conjungimus Hydropem; quia cum tumor vel in illa tandem erumpat, vel in hunc deſinat, utriſque agnatus quodammodo affinisque eſt.

Kk

I. Hy.

I.

Hydrops à fœmina depulsus.

Anno MD CXXXIX. ad VI. Id Sept. mulier quædam
 Kesseliæ venit; postridie, voti solvendi causâ, Lin-
 dam perrectura, & ibidem sacro Eucharistiæ epulo
 reficienda. Voti causam agebat hydropem fuisse, quo
 diffusus toto corpore tumor, omnem manus pede-
 vè movendi facultatem ademerat. Commovit ea
 membrorum quies mulierem, ut animo se erigeret,
 & præsidium humano melius certiusque à diva Lin-
 densi precaretur. Ea verò deprecatio supplicis, com-
 movit etiam Dñi Matrem; subito enim à nuncupato
 peregrinationis Lindensis voto, sanitati accedenti
 tumor & morbus omnis cessit. Ut porro etiam ab
 animo, si quid resideret morbi, cederet, sacrosanctis
 penitentia & eucharistiæ sacramentis, tanquam cer-
 tissimis contra animi morbos antidotis, uti frui apud
 B. V. Lindensem destinavit.

II.

Hydropicus ope Deiparæ Lindensis curatus.

Augustino Welck homini nomen erat, qui in
 Komeien Vormditensis colonizæ pago, agricultura
 operam, pro sua conditione, navabat. Navo cetero
 quin operario, ab hydropo ignavia se insinuavit, au-
 potius infudit. Quo enim de immani tumore acci-
 debat corpori plus molis ac magnitudinis, eo plus
 decebat virium, ut neque exercendo operi, neque

trahendæ quoque animæ, satis esset idoneus. Sed brevi idoneum Deipara Lindensis fecit; ad quam voto singulari cum se recepisset, ab hydropisi confestim liberatus, Anno MDCLIII. ad IV. Non. Junias, usum Virgini, votum redderet, Lindam venit.

III.

Puella trimula ab hydrope liberata.

Anno MDCLII. ad IX. Calend. Jun. Catholica mulier, ex hæretica in Ducatu Prussia civitate Neidemburgo, tridui, ut paulò antè memoravimus, itinere Lindâ abjuncto, trimulam circiter filiulam, voti unâ secum ream, Deiparæ stitit. Ludibunda, pro illius ætatis innocentia, atque innoxia libertate, tum puella, cursu & saltu Deiparæ sacellum pervolitabat, quæ paucas ante hebdomadas movere se loco non poterat. Dirus hydrops corpusculum totum ita occuparat, ut non modò in minoris vasis, tonnulam vulgò appellant, molem excreverit, verùm & totum, quemadmodum mater ajebat, transparere videretur. Consumptis nequidquam variis tum ex apotheca, tum aliunde petitis medicamentis, sollicita, & pro materna pietate, nimis anxia parens, quartâ vel quintâ majoris hebdomadæ feriâ, depositam & ab omnibus jam deploratam filiulam, Deiparæ Lindensi devoveret. Tantum voti à matre concepti, apud Matrem misericordiæ pondus fuit, ut ipso Dominicæ Resurrectionis die, quod mater etiam interpositâ sacramenti inde asseruit, sana & profum incolumis surrexit.

Kk 2

IV. Alia

IV.

Aliam idem puella ab hydropo curata.

Sub idem circiter tempus, Walpurgis hottulani
cujusdam è Mikohlen Seeburgensis municipii pago
filiola, depulso per divam Lindenlem hydrope lani-
ta est. Duas minimum hebdomadas malum toto
corpore diffusum tenuit; tenuissetque et jam prole-
xius, nisi parentum voto ad Divam interposito, con-
festim fuisset depulsum.

V.

Nobilis vir discusso per B. V. hydrope sanatus.

Anno MDCLII. iplo Deiparæ Elisabetham reviv-
sentis die, multa inter hominum millia, quæ eo die
quotannis confluere potissimum solent, aderat Lin-
dæ generosus D. Adamus Zalusky, è Nedzwiedzi-
ensii Paræcia, in Masovia sita, tridui minimum reit-
à Mariana Linda distante. Non ipsum modò, verum
& plures de domestica familia, minimè familiare ma-
lum hydrops invaserat; adeoque tam filiam tumore
rem jam extinxerat. Ne porro & ipse, quem ad valis
cerevisiarii (tonnam vulgò appellant) magnitudi-
nem immanis humor distenderat, extingueretur
consanguinei cæteri que amici intercesserunt; voti
scilicet ad divam Lindenlem interposito. Ab eo
voto revalescere mox æger cepit, brevi que ita
valuit, ut & viæ se tam longæ dare non dubitaret.

ipse, quæ recensuimus, præsentibus è magistratu spectabilibus viris, D. Paulo Radigk, & D. Trabant, ipsoque Collegii Resselienfis Societatis Jesu Rectore, secundùm Anathema Deiparæ oblatum, Lindæ præfens, sanctè affirmârit.

VI.

Puero tumor, collum periculosè obsidens,
depulsus.

Consequente inde MDCLIII. anno, puer duodenarius, Christophori Weerdich, è Sturmhubel Resselienfi pago, sartoris filiulus, votum & gratias Deiparæ solvit. Noxius collum tumor infederat, ut propè suffocaret. Quinque certè dies ita fauces obstructæ erant, ut ne tantillum quidem cibi sumere, aut trajicere aeger posset. Parentibus varia adhibentibus, & de aliis insuper remediis anxie sollicitis, ipse puer, ut à diua Lindensi remedium poscat, suggestit. Audierunt parentes ritè monentem; nec minus ritè votum ejus nomine conceperunt: neq; minus ad extremum B. Virgo preces ac vota supplicum audiit; quandoquidem continuò sanitas pristina puero rediit.

VII.

Periculosus itidem colli tumor curatus.

Anno MDCLIV. pridie Nonas Junii, me coram sanctè professus est Thomas Wichert, incola pagi Brunsbergensis, vulgò Schalmay dicti, quòd uxor
K k 3 ipsius

ipſius Anna, magno omnium artuum cruciatu jam
 diu afflicta, nuperrimè verò et jam colli graviter in-
 tumelcentis, quin & in ulcera fædè exuberantis, vul-
 neribus adaëta, nulquam niſi apud Deiparam Lin-
 denſem, præſidii locum invenerit. Majo quocirca
 mente exeunte votum Lindam adeundi fecit, & con-
 tinuò mali vis omnis remittere cepit. Cæterùm, cum
 ipſa præ virium languore, qui morbum gravem ex-
 cepit, ne dum auderet, aut fortasſe marito vetante,
 non poſſet tam citò ſeſe itineri committere, maritus
 interea, ne quid mora officeret, ejus loco iter ſulep-
 pit, & votum perſolvit.

VIII.

Cervix propè fracta, per B. V. reſtituta.

Laurentius Wapp, è Wererkaim hæretico pago,
 vir catholicus, incertum, qua cauſâ, ſub ipſas D. Ja-
 cobi ferias Anni M D C L I I I. non potuit, tumorem jux-
 ta ac dolorem colli vehementem, non experiri; quan-
 do cervix ita inclinata ac propè fracta erat, ut ca-
 put antroſum propenderet totum, nec attolli ſur-
 ſum, nec teneri ſublaturum, niſi ad motu poſſet admi-
 niculo. Nervi inſuper brachiorum ac ſcapularum,
 venæque ita ſunt heberatæ, ut neque progredi, ne-
 que brachia levare ſurſum, neque veſtibus indui, niſi
 alienâ ope poſſet. Adhibitæ varia inter remedia, et
 jam Althææ & olei unctiones; nihil tamen profe-
 ctum, ne dum perfectum. Quocirca ad communem
 Deiparæ Lindenſis Aram animi aciem vertit; vove-
 que annuam, quoad vixerit, ad Lindenſe ſacrarium
 peto

peregrinationem. Et si verò eventus voti necdum respondisset, ille tamen, ut promissis responderet, citra moram, quàm potuit, iter ingressus, ubi Lindam venit, Scipioni utrâque manu innixus, non sine periculo lapsus, ita debilis, adhuc & imbecillis erat, Aram circumivit. Eodem momento suus venis nervisque vigor, ac vires corpori rediêre; sed & cervix erecta ac firmata, brachiaque ac lacerti sunt consolidati, ut manus ultero citroque attollere repente & operâ cuiusunque admove, citra molestiam, posset. Quod & ipsi, qui hominem nôrant, aliique, qui aderant, communi spectaverunt, & ipse consequente Anno MDCLIV. tum aliis tum suæ in primis conscientie arbitrio, libens volensque enarravit.

IX.

Tumor pedum, nullis aliis remediis, nisi Lindensium peregrinationi, voto stabilitæ, cedit.

Hic verum fuit illud Poëtæ: *Virget præsentia Turni*
 Helenæ Bartholomæi Bobowsky uxori pedes immensi tumore suffusi erant, ut lecto affixa nullam in partem movere eos posset. Tentata omnia, quæ usquam haberi poterant remedia, nihil profectum. Quin & vota Lindam per alios non modò facta, verum & absoluta sunt; sed neque id profuit: nisi fortè ad majorem ægrotae spem atque fiduciam, erga Deum ac B. Virginem accendendam profuerit. Non enim toties quodammodo repulsam passa mulier spem abiecit; quin majore etiam fiducia, seipsam Lindam ulque, si revaluisset, profecturam, & terram Sacram Adem geniculatim obituram voverat.

Tum enim vero auditæ supplicantis preces, & depulso confestim omni tumore, pedibus sanitas, reliquo verò corpori vigor & vires rediére; ut ad v. Calend. Junias Anni MDCLII. Lindam potuerit adire, & quæ ablens sponderat, opere coràm exhibere.

X.

Ulceribus & enormi periculosoque corporis tumore, per votum Lindam factum, liberatus.

Haud procul Graudento, quæ inter Prusliæ Regiæ civitates non postrema est, & quatuor minimum itinere dierum Lindâ abest, pagus est Bzowo indigenis dictus; in quo Matthias Zyorwsky, operâ triturandis frugibus addictâ, mercenarium agebat. Ipsa natalis Deiparæ pervigilio, febris extemplo corripitur Anno MDCLII. postridie verò, ipso videlicet natali die, caput ulceribus scatere, ac mox corpus universum, ingravescente nimium morbo, vehementer cepit intumescere. Omnis cum viribus ambulandi facultas recessit, ita ut solidas propè duodeviginti hebdomadas, dolore juxta ac tumore mirum in modum distentus, ad fornacem decumbere cogereetur. Et jam altera Februarii anni sequentis dies, Deiparæ in Templo purificatæ sacra illuxerat; cum æger, qui interea de B. Virginis Lindensis beneficentia, non pauca didicerat, consilium apud se, de voto Lindam faciendo, dies noctesque agitare, & subsidium maximâ fiduciâ implorare à diva, cujus neque nomen antè unquam audierat. Commodum eâ ipsâ die sacerdos, in ejus pagi Templo, sacris operaturus adven-

rat; de quo postquam æger cognovit, enixè à patre-
familias & alio quodam amico flagitat, ut se, qui pe-
dibus inniti suis non posset, ad Templum, quâcun-
que tandem ratione, deducant, aut potius deportent.
Deportatus est, & jam in Templo positus, tantùm
libet, ut genibus niti potuerit, ut ægerrimè stans, aut
larius baculo innixus hærens, primùm quidem pæni-
tentia per exomologesin, deinde verò sacratissimum
Eucharistiæ sacramentum usurpârît; nil magis, quàm
adeundæ primo quoque tempore Lindæ votum ani-
mo versans. Credereseum, qui animo jam Lindæ
presens erat, corpore quoque fuisse: ita subitò tumor
& cum tumore pertinax ac diuturnus morbus subsi-
dit, ut, qui alienis manibus ad Templum erat depor-
tatus, pedibus suis, & quidem nullius, ac ne scipionis
quidem adminiculo fultus, domum remearet. Atque
hæc ipsemet disertè juxta ac sanctè apud Lindam as-
seruit, VIII. Idus Martii, Anni MDCLV. hæc etiam
presentes, Consul & consularis quidam Resselien-
sis, præter P. Petrum Althoff Societatis Jesu manibus
suis hunc in modum signârunt:

*Ita esse testor, Simon Hagnau Proconsul Resselien-
sis.*

Ita est, Simon Flaxbinder manu propria.

XI.

Ulceribus periculosè oblitata mulier sanata.

Wysztyniec oppidum est in Lituania, ad ipsos
Prussæ fines juxta Olitam situm, viginti minimum
leucis semotum Lindæ: ex quo nihilominus Anna Mi-
lewska III. Cal. Jun. Anni MDCLIV, Lindam usque
pere-

Kk 5

pere-

peregrinationem voto firmatam absolvit pedes. Per dimidium anni, ulceribus cum reliquum corpus, tum alterum maximè pedem ita erat obsita, ut perpetuò decumberet, & omnes de pede illo actum censerent. Tamen ubi & plerique amicorum, & ipsa quoque adeundæ Lindæ vorum nuncupârunt, extemplo, quæ per octo septimanas sibi nihil sumere potuit, cibo refecta, pedi jam perfanato commodè inniti, ac progredi quaquaversum potuit, ut paulò post etiam Lindense iter perficeret.

XII.

Hæreticus, ab hydropè simul & hæresi, ex voto convaluit.

Nobilis est Rogalliorum in Masovia stirps, è qua nonnemo famulum è Ducatu Prussiæ, sibi magis quàm Deo Ecclesiæque fidum habuit; quippe hæresi à puero innutritum. Ad tantam animi luem, altera corpori ab hydropè accessit: sed utraque Deiparæ Lindensis ope recessit. Postquam enim herus illum divæ Lindensi devovit, hydrops continuò defluxit postquam verò ipse Dominus Rogalla famulum Lindæ stitit, etiam hæresi solutus est ad XVI. Cal. Novemb. MD CXLIII.

CAPUT XXIX.

Varia febrès per B. V. Lindensem depulsa.

Nullum à condito orbe fuit seculum, quo verum non fuerit illud Poëtæ (a)

(a) Horat. lib. I. ode 3.